

- daljnijem tekstu: PDV prijava) i prijava domaće akcize (u daljnijem tekstu: PDA prijava),
- c) Pod pojmom "e-prijava samooporezivanja" podrazumijeva se PDV i PDA prijava podnesena elektronskim putem,
 - d) Pod pojmom "PDV prijava" podrazumijeva se prijava samooporezivanja koju podnosi obveznik indirektnih poreza koji je u Jedinstveni registar obveznika indirektnih poreza upisan po osnovu poreza na dodatu vrijednost,
 - e) Pod pojmom "PDA prijava" podrazumijeva se prijava samooporezivanja koju podnosi proizvođač akciznih proizvoda, kao i pravno lice ili preduzetnik, sa sjedištem u Bosni i Hercegovini, za kojeg se od strane drugog lica vrši usluga proizvodnje akciznih proizvoda iz člana 4. stav (2) tačka a), b), c), d) i e) Zakona o akcizama u Bosni i Hercegovini, koji je u Jedinstveni registar obveznika indirektnih poreza upisan po osnovu akcize,
 - f) Pod pojmom "izmijenjena prijava samooporezivanja" podrazumijeva se prijava podnesena u svrhu zamjene prethodno podnesene prijave samooporezivanja,
 - g) Pod pojmom "dopunska prijava samooporezivanja" podrazumijeva se prijava podnesena u svrhu dopune prethodno podnesene prijave samooporezivanja,
 - h) Pod pojmom "e-portal" podrazumijeva se servis za korištenje elektronskih usluga koje pruža UIO,
 - i) Pod pojmom "primarni korisnik elektronskih usluga UIO" (u daljnijem tekstu: primarni korisnik) podrazumijeva se odgovorno lice obveznika, registrirano na način propisan odredbama Uputstva o registraciji korisnika elektronskih usluga UIO,
 - j) Pod pojmom "sekundarni korisnik elektronskih usluga UIO" (u daljnijem tekstu: sekundarni korisnik) podrazumijeva se fizičko lice koje imenuje primarni korisnik, registrirano na način propisan odredbama Uputstva o registraciji korisnika elektronskih usluga UIO.

GLAVA II. PRIJAVA SAMOOPOREZIVANJA

Član 3.

(Lice ovlašteno za elektronsko podnošenje prijave samooporezivanja)

Prijavu samooporezivanja elektronskim putem (u daljnijem tekstu: e-prijava samooporezivanja) podnosi obveznik, putem svog primarnog ili sekundarnog korisnika.

Član 4.

(Podnošenje e-prijave samooporezivanja)

- (1) Nakon registracije korisnika elektronskih usluga UIO, obveznik može elektronski podnositi prijavu samooporezivanja.
- (2) Obveznik je dužan prijavu samooporezivanja podnositi UIO elektronskim putem od poreznog perioda januar 2019. godine.
- (3) Nakon što obveznik prvi put podnese e-prijavu samooporezivanja, obavezan je sve naredne prijave samooporezivanja podnositi isključivo elektronskim putem.

Član 5.

(E-prijava samooporezivanja)

- (1) Obveznik podnosi e-prijavu samooporezivanja popunjavanjem elektronskog obrasca dostupnog na e-portal.
- (2) E-prijava samooporezivanja po svom sadržaju i formi u cijelosti odgovara obrascu prijave samooporezivanja propisanom odredbama propisa iz oblasti indirektnog oporezivanja.

- (3) Obveznik je dužan podnijeti e-prijavu samooporezivanja u roku propisanom odredbama propisa iz oblasti indirektnog oporezivanja.
- (4) E-prijava samooporezivanja, podnesena od strane registriranog primarnog ili sekundarnog korisnika za obveznika, ima istu pravnu snagu kao prijava samooporezivanja podnesena u papirnoj formi.
- (5) Obveznik može podnijeti e-prijavu za porezni period najranije prvog dana po isteku poreznog perioda za koji podnosi e-prijavu.
- (6) E-prijava samooporezivanja smatra se blagovremenom ako je, prema podacima evidentiranim u bazi podataka e-portala, podnesena u propisanom roku.

Član 6.

(Izmijenjena i dopunska e-prijava samooporezivanja)

- (1) Obveznik može podnijeti izmijenjenu ili dopunsku prijavu samooporezivanja elektronskim putem u svrhu zamjene ili dopune prethodno podnesene prijave samooporezivanja, u roku i na način propisan odredbama propisa iz oblasti indirektnog oporezivanja.
- (2) Izmijenjena i dopunska prijava samooporezivanja, podnesena elektronskim putem od strane registriranog primarnog ili sekundarnog korisnika za obveznika, ima istu pravnu snagu kao i izmijenjena ili dopunska prijava samooporezivanja podnesena u papirnoj formi.

GLAVA III. POSTUPAK PODNOŠENJA E-PRIJAVE SAMOOPOREZIVANJA

Član 7.

(Obavještenje o prijemu)

- (1) E-prijava samooporezivanja smatra se podnesenom, kada je evidentirana u bazi podataka e-portala.
- (2) UIO primarnom i/ili sekundarnom korisniku za obveznika, elektronskim putem, dostavlja obavještenje o prijemu prijave sa podacima o vremenu evidentiranja e-prijave samooporezivanja u bazi podataka e-portala.
- (3) Obavještenje iz stava (2) ovog člana dostavlja se automatski, putem e-portala.
- (4) Za obavještenja iz stava (2) ovog člana relevantno je vrijeme evidentirano u bazi podataka e-portala.

Član 8.

(Postupanje u slučaju nepodnošenja e-prijave samooporezivanja)

- (1) Ukoliko obveznik ne postupi u skladu sa obavezom podnošenja prijave samooporezivanja u roku propisanom odredbama propisa iz oblasti indirektnog oporezivanja, UIO po službenoj dužnosti vrši razrez indirektnog poreza u ime obveznika, u postupku propisanom odredbama propisa iz oblasti indirektnog oporezivanja.
- (2) Razrez iz stava (1) ovog člana vrši se automatski u elektronskom sistemu UIO.

GLAVA IV. PRAVA I OBAVEZE

Član 9.

(Prava i obaveze obveznika)

- (1) Prava i obaveze obveznika, u vezi sa podnošenjem e-prijave samooporezivanja i korištenjem elektronskih usluga UIO su propisana Uputstvom o registraciji korisnika elektronskih usluga UIO.
- (2) Obveznik ima pravo da bude upoznat sa statusom postupka podnošenja e-prijave samooporezivanja.
- (3) Obveznik je odgovoran za tačnost i potpunost podataka iskazanih u e-prijavi samooporezivanja.

Član 10.

(Obaveze UIO)

- (1) UIO je obavezna da primarnom i/ili sekundarnom korisniku za obveznika potvrdi prijem e-prijave samooporezivanja.

- (2) UIO je obavezna da elektronskim putem primarnog i/ili sekundarnog korisnika za obveznika obavijesti o nemogućnosti učitavanja podataka sadržanih u e-prijavi samooporezivanja.
- (3) UIO je obavezna da se stara o povjerljivosti podataka sadržanih u podnesenoj e-prijavi samooporezivanja.

GLAVA V. ZAVRŠNE ODREDBE

Član 11.

(Tehničko uputstvo)

UIO će, u skladu sa odredbama ovog Uputstva, sačiniti Tehničko uputstvo u vezi sa elektronskim podnošenjem prijava samooporezivanja.

Član 12.

(Stupanje na snagu i primjena)

Ovo Uputstvo stupa na snagu osmog dana od dana objavljivanja u "Službenom glasniku BiH".

Broj 01-02-2-1477-29/17
28. decembra 2017. godine

Direktor
Dr. **Miro Džakula**, s. r.
